

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編


齊魯書社

四庫全書存目叢書

史部
第四冊

責任編輯：孫言誠 賀偉

ISBN 7-5333-0535-3



9 787533 305352 >

2380/04

四庫全書存目叢書·史部四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 53.875 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第四冊目次

史部・編年類

陸狀元增節音註精議資治通鑑一百二十卷目錄三卷首一卷(二)

〔宋〕陸唐老輯

北京大學圖書館藏明末毛氏汲古閣刻本

陸狀元增節音註精議資治
通鑑一百二十卷目錄三
卷首一卷(二)

〔宋〕陸唐老輯

北京大學圖書館藏明末毛氏汲古閣

刻本

陸狀元增節音註精議資治通鑑卷三十七
前漢紀

孝成皇帝

諱驚元帝太子也竟寧元年五月元帝崩

太子卽帝位

建始元年石顯遷長信中太僕秩中二千石

顯既失倚離權於是丞相御史條奏顯舊惡

顯與妻子徙歸故郡憂懣不食懣音滿又音悶煩也道

陸米无通鑑 卷三十七前漢 汲古閣

死諸所交結以顯爲官者皆廢罷司隸校尉

王尊劾奏丞相衡知顯等顓權擅執大作威

福爲海內患害不以時白奏行罰而阿諛曲

從附下罔上懷邪迷國無大臣輔政之義皆

不道在赦令前赦後衡譚舉奏顯不自陳不

忠之罪而反揚著先帝任用傾覆之徒妄言

百官畏之甚於主上卑君尊臣非所宜稱失

大臣體於是衡慙懼免冠謝罪天子以新卽

位重傷大臣乃左遷尊為高陵令然羣下多

是尊者本傳尊顯封舅王崇為安成侯賜諡

商立根逢時爵關內侯夏四月黃霧四塞幸音

也詔博問公卿大夫無有所諱諫大夫楊興

博士駟勝等皆以為陰盛侵陽之氣也高祖

之約非功臣不侯今太后諸弟皆以無功為

侯外戚未曾有也故天為見異於是大將軍

鳳懼上書乞骸骨辭職上優詔不許紀本

陸狀元通鑑卷七前漢汲古閣

八月有兩月相承晨見東方

二年春正月罷雍五時及陳寶祠皆從匡衡

之請也辛巳上始郊祀長安南郊赦奉郊縣

及中都官耐罪徒耐人之切罪不至髡全其耐費三月上始

祠后土於北郊丙午立皇后許氏后車騎

將軍嘉之女也元帝傷母恭哀后居位日淺

而遭霍氏之辜故選嘉女以配太子

胡曰天子事七廟郊上帝望於山川而徧

於羣神羣謂何等也日月星辰風雨之屬

則從類於上帝矣林麓丘陵水澤之屬則

包舉於山川矣帝王無妄祭無微福然則

凡載於秩典者其皆有功德垂世如祭法

所謂法施於民以死勤事以勞定國能禦

大菑能捍大患及上古君臣之賢聖者與

非所族也則非所事也漢興禮廢之後先

王祭法既不傳自秦以來乃多淫祀至武

陸狀元通鑑卷七前漢汲古閣

帝用方士言而尤盛焉皆無所經見率意

建立逮於季世凡七百餘祀一歲萬七千

祠其不度可知矣貢禹匡衡皆請罷之是

也然稽泉臺之義不必毀撤姑存而勿舉

可也劉向資氣精忠為漢賢大夫豈谷永

所敢望然學少不純頗信異端鴻寶祕書

其所舊習今茲種祠之論謂皆有感應而

後營之者何考之未詳歟是皆山呼巨跡

之類以欺武帝者豈當據以爲實也谷永之言曰明天地之性而知萬物之情則不可惑以神怪以求諂邪而能及此向反不及焉尺有所短寸有所長其果然矣上自爲太子時以好色聞及卽位皇太后詔采良家女以備後宮大將軍武庫令杜欽說王鳳曰禮一娶九女所以廣嗣重祖也娣姪雖缺不復補所以養壽塞爭也故后妃有貞

陸狀元通鑑 卷七 前漢 汲古閣

淑之行淑神六切善也則胤嗣有賢聖之君制度有威儀之節則人君有壽考之福男子五十好色未衰婦人四十容貌改前以改前之容待於未衰之年而不以禮爲制則其原不可救而後徠與態他代切今聖主富於春秋未有適嗣將軍輔政宜建九女之制詳擇有行義之家求淑女之質毋必有聲色技能爲萬世大法鳳白之太后太后以爲故事無有鳳不

自立法度循故事而已鳳素重欽置之莫廣國家政謀常與欽慮之數稱達名士裨正闕失裨益也當世善政多出於欽者

三年秋關內大雨四十餘日京師民相驚言大水至長安中大亂大將軍鳳以爲太后與上及後宮可御船令吏民上長安城以避水羣臣皆從鳳議左將軍王商獨曰自古無道之國水猶不冒城郭今政治和平世無兵革

陸狀元通鑑 卷七 前漢 汲古閣

上下相安何因有大水一日暴至此必訛言也訛吾禾切謬也或作譌不宜重驚百姓上乃止有頃稍定問之果訛言上於是美壯商之固守數稱其議鳳大慙自恨失言 匡衡坐多取封邑四百頃監臨盜所主守直十金以上免爲庶人以王商爲丞相出衡本傳

四年夏召前所舉直言之士詣白虎殿對策是時上委政王鳳議者多歸咎焉谷永知鳳

方見柄用陰欲自託乃曰方今四夷賓服皆

為臣妾北無薰粥冒頓之患別弼式六句奴

南無趙佗呂嘉之難三垂晏然靡有兵革

之警諸侯大者乃食數縣漢吏制其權柄不

得有為無吳楚燕梁之執百官盤互親疎相

錯骨肉大臣有申伯之忠洞洞屬屬洞音到

屬之欲切小心良忌無重合安陽博陸之亂

三者無毛髮之辜竊恐陛下舍昭昭之白過

陸狀元通鑑卷七前漢汲古閣

舍始夜切忽天地之明戒聽晝昧之警說曉

暗同又歸咎乎無辜倚異乎政事倚於倚重

失天心不可之大者也陛下誠深察愚臣之

言抗湛溺之意解偏駁之愛使列妾得人人

更進益納宜子婦人則繼嗣蕃滋災異訖息

杜欽亦倣此意上皆以其書示後宮擢永為

光祿大夫出永本傳大雨水十餘日河決東郡

金隄丁奚切隄名在東郡白馬界先是清河都尉馮遂奏

言郡承河下流土壤輕脆易傷說此

所以闕無大害者以屯氏河通兩川分流也

分屯氏河塞靈鳴犢口又益不利獨大川兼

受數河之任霖雨旬日終必盈溢可復浚屯

氏河浚音峻以助大河暴泄先列切分殺水

力事下丞相御史遣許商行視以為用度不

足可且勿浚後三歲河東決於館陶及東郡

金隄泛濫兗豫入平原千乘濟南凡灌四郡

陸狀元通鑑卷七前漢汲古閣

三十二縣居地十五萬頃出溝志南山羣盜

倍音宗等數百人為吏民害詔發兵千人逐

捕歲餘不能擒或說大將軍鳳以賊數百人

在轂下討不能得難以示四夷獨選賢京兆

尹乃可於是鳳薦故高陵令王尊徵為諫大

夫守京輔都尉行京兆尹事旬月間盜賊清

後拜為京兆尹出王尊傳西域都護段會宗為

烏孫兵所圍驛騎上書願發城郭燉煌兵燉音

也郡名應劭曰以自救大將軍鳳言陳湯多

燬大也煌盛也籌策習外國事可問上召湯示以會宗奏湯

對曰此必無可憂也上曰度何時解湯知烏

孫瓦合不能久攻因對曰已解矣屈指計其

日曰不出五日當有吉語聞居四日軍書到

言已解大將軍鳳奏以為從事中郎莫府事

壹決於湯湯本傳

河平元年春杜欽薦王延世於王鳳使塞決

陸狀元通鑑卷七前漢汲古閣

河延世以竹落長四丈大九圍盛以小石兩

船夾載而下之三十六日河隄成賜延世爵

關內侯出溝給事中平當上言太上皇漢

之始祖廢其寢廟園非是上亦以無繼嗣遂

納當言秋九月復太上皇寢廟園祀志郊詔

曰今大辟之刑千有餘條律令煩多百有餘

萬言奇請它比奇居宜切謂常文之外者

切謂引佐類日以益滋自明習者不知所由

欲以曉喻衆庶不亦難乎於以羅元元之民

天絕無辜豈不哀哉其議減死刑及可蠲除

約省者令較然易知時有司不能廣宣上意

徒鉤撫微細鉤古侯切曲也毛舉數事以塞

詔而已法刑

二年夏四月楚國雨雹大如釜徙山陽王康

為定陶王 六月上悉封諸舅王譚為平阿

侯商為成都侯立為紅陽侯根為曲陽侯逢

陸狀元通鑑卷七前漢汲古閣

時為高平侯五人同日封故世謂之五侯

三年上以中祕書頗散亡使謁者陳農求遺

書於天下詔光祿大夫劉向校經傳諸子詩

賦步兵校尉任宏校兵書太史令尹咸校數

術侍醫李柱國校方技每一書已向輒調其

篇目撮其指意錄而奏之撮千括切總取

劉向以王氏權位太盛而上方嚮詩書古文

向乃因尚書洪範集合上古以來歷春秋六

國至秦漢符瑞災異之記推迹行事連傳禍福著其占驗比類相從各有條目凡十一篇號曰洪範五行傳論奏之天子心知向忠精故爲鳳兄弟起此論也然終不能奪王氏權

(四)楚元王交傳

四年琅邪太守楊彤與王鳳連昏其郡有災害丞相王商奏免彤鳳以是怨商陰求其短上書言之天子以爲暗昧之過不足以傷大

陸狀元通鑑

卷七十一

汲古閣

臣鳳固爭之詔收商丞相印綬商免相三日

歐血死歐一口切吐也上之爲太子也受論語於蓮

勺張禹蓮音輦勺音酌左馮翊邑及卽位賜爵關內侯與

王鳳竝領尚書內不自安數病上書乞骸骨

欲退避鳳上不許撫待愈厚六月丙戌以禹

爲丞相封安昌侯

陽朔元年大將軍鳳用事上謙讓無所顧王

氏子弟皆分據執官滿朝廷時上無繼嗣體

帝不平定陶共王來朝共王上承先帝意過

共王甚厚畱之京師不遣歸國大將軍鳳心

不便共王在京師會日食鳳因言定陶王雖

親於禮當奉藩在國上不得已於鳳而許之

京兆尹王章素剛直敢言雖爲鳳所舉非鳳

專權不親附鳳乃奏封事言日食之咎皆鳳

專權蔽主之過上召見章延問以事章對曰

天道聰明佑善而災惡以瑞異爲符效今陛

陸狀元通鑑

卷七十一

汲古閣

下以未有繼嗣引近定陶王所以承宗廟重

社稷上順天心下安百姓此正議善事當有

祥瑞何故致災異災異之發爲大臣顓政者

也今聞大將軍猥歸日食之咎於定陶王建

遣之國苟欲使天子孤立於上顓擅朝事以

便其私非忠臣也且日食陰侵陽臣顓君之

咎今政事大小皆自鳳出天子曾不一舉手

鳳不內省責反歸咎善人推遠定陶王且鳳

誣罔不忠非一事也鳳不可令久典事宜選忠賢以待之自鳳之白罷商後遣定陶王也上不能平及聞章言天子感悟納之謂章曰徵京兆尹直言吾不聞社稷計於是章薦馮野王忠信質直上自爲太子時數聞野王名方倚欲以代鳳鳳聞之使尚書劾奏章致其大逆竟死獄中自是公卿見鳳側目而視杜欽欲救其過復說鳳曰天下不知章實有罪

陸狀元通鑑

卷七十一

汲古閣

而以爲坐言事如是塞爭引之原損寬明之德欽愚以爲宜因章事舉直言極諫使天下咸知主上聖明不以言罪下也若此則流言消釋疑惑著明鳳白行其策焉

田章
欽傳

蕭曰王氏代漢始於杜欽谷永成於張禹孔光終於劉歆此數子號稱儒者以賢良直諫爲名以通經學古爲賢羣臣所屬目天子所取重而相與誤國如此假託經術

緣飾古義以售姦邪以濟諂佞蓋杜欽谷永劉歆三子依憑寵祿以苟富貴張禹孔光懦弱無立規免禍患曾不若鄙夫小人而已矣

是歲陳畱太守薛宣爲左馮翊宣爲郡所至有聲迹宣子惠爲彭城令宣嘗過其縣心知惠不能不問以吏事或問宣何不教戒惠以吏職宣笑曰吏道以法令爲師可問而知及

陸狀元通鑑

卷七十一

汲古閣

宣言爲然

田宣
本傳

二年以王音爲御史大夫於是王氏愈盛郡國守相刺史皆出其門下五侯羣弟爭爲奢侈賂遺珍寶四面而至皆通敏人事好士養賢傾財施予以相高尚賓客滿門競爲之聲譽劉向謂陳湯曰今災異如此而外家日盛其漸必危劉氏吾幸得以同姓末屬累世蒙

厚恩身為宗室遺老歷事三主上以我先

帝舊臣每進見常加優禮吾而不言孰當言

者遂上封事極諫曰臣聞人君莫不欲安然

而常危莫不欲存然而常亡失御臣之術也

夫大臣操權柄操千高切執也持國政未有不為害

者今王氏一姓乘朱輪華轂者二十三人青

紫貂蟬上都聊切惠文冠也以貂尾為飾附蟬為文蟬取其清高飲露而不食貂毛不彰也

充盈帷內魚鱗左右大將軍秉

陸狀元通鑑卷七十四前漢汲古閣

事用權五侯驕奢僭盛竝作威福擊斷自恣

行汚而寄治身私而託公稱譽者登進忤恨

者誅傷游談者助之說執政者為之言排擯

宗室攢必刃切斥也孤弱公族兄弟據重宗族盤互

歷上古至秦漢外戚僭貴未有如王氏者也

物盛必有非常之變先見為其人徵象孝昭

帝時冠石立於泰山仆柳起於上林而宣帝

即位今王氏先祖墳墓在濟南者其梓柱生

枿葉扶疎上出屋根垂地中刺地也雖立

石起柳無以過此之明也事執不兩大王氏

與劉氏亦且不竝立如下有泰山之安則上

有累卵之危夫明者起福於無形銷患於未

然宜發明詔吐德音援近宗室親而納信黜

遠外戚毋授以政誠子孫無疆之計也如不

行此策田氏復見於今六卿必起於漢為後

嗣憂昭昭甚明唯陛下深留聖思書奏天子

陸狀元通鑑卷七十五前漢汲古閣

召見向歆息悲傷其意謂曰君且休矣吾將

思之然終不能用其言楚元王及元后傳八月定

陶共王康薨

三年秋王鳳薨以王音為大司馬

四年少府王駿為京兆尹先是京兆有趙廣

漢張敞昌兩切王尊王章王駿皆有能名故京

師稱曰前有趙張後有三王王章等贊鴻嘉

三年初許皇后與班婕妤皆有寵上後

庶欲與倭仔同輦載倭仔辭曰觀古圖畫賢
聖之君皆有名臣在側三代末主乃有嬖妾
今欲同輦得無近似之乎上善其言而止太
后聞之喜曰古有樊姬今有班倭仔其後上
微行過陽阿主家悅歌舞者趙飛燕召入宮
大幸有女弟復召入姿性尤醜粹姊弟俱為
倭仔貴傾後宮於是飛燕譖告許皇后班倭
仔挾媚道祝詛後宮祝職救切或作訓詛莊助切或作誼詈及
陸狀元通鑑卷七前漢十六汲古閣
主上許后廢處昭臺宮考問班倭仔對曰妾
聞死生有命富貴在天修正尚未蒙福為邪
欲以何望使鬼神有知不受不臣之愬如其
無知愬之何益故不為也上善其對赦之賜
黃金百斤戚傳外
永始元年上欲立趙倭仔為皇后諫大夫劉
輔上書言里語曰腐木不可以為柱腐扶雨切腐爛
人婢不可以為主天人之所不予必有禍而

無福市道皆共知之朝廷莫肯一言臣不敢
不盡死書奏上使侍御史收縛輔繫掖庭祕
獄縛伏約切束也於是辛慶忌廉褒師丹谷永俱上
書曰竊見劉輔前以縣令求見擢為諫大夫
旬月之間收下祕獄公卿以下見陛下進用
輔亟而折傷之暴人有懼心臣竊傷之上乃
減輔死罪一等論為鬼薪音辛刑也取薪於山以給宗廟為鬼薪
輔傳新出五侯子乘時侈靡以與馬聲色佚游
陸狀元通鑑卷七前漢十七汲古閣
相高佚與逸同樂也王曼子莽因折節為恭儉勤身
博學外交英俊內事諸父曲有禮意鳳死以
莽託太后及帝久之封莽為新都侯爵位益
尊節操愈謙振施賓客家無所餘虛譽隆洽
傾其諸父矣敢為激發之行處之不慙慙六女切愧
嘗私買侍婢昆弟聞知莽因曰朱子元
無子為買之卽日以婢奉朱博其匿情求名
如此王莽傳元后及劉向以為王教由內及外

自近者始於是採取詩書所載賢妃貞婦興國顯家及孽嬖亂亡者序次爲列女傳凡八篇及采傳記行事著新序說苑凡五十篇奏之數上疏言得失陳法戒書數十上以助觀覽補遺闕上雖不能盡用然內嘉其言常嗟歎之昌陵制度奢泰久而不成劉向上疏曰臣聞王者必通三統明天命所授者博非獨一姓也自古及今未有不亡之國孝文皇帝陸狀元通鑑卷七十八前漢
帝嘗美石椁之固張釋之曰使其中有可欲雖錮南山猶有隙夫死者無終極而國家有廢興故釋之之言爲無窮計也孝文寤焉遂薄葬棺槨之作自黃帝始黃帝堯舜禹湯文武周公丘壠皆小葬具甚微非苟爲儉誠便於體也秦始皇帝葬於驪山之阿下錮三泉上崇山墳水銀爲江海黃金爲鳧雁珍寶之藏機械之變械胡介切言作機發木人之屬也棺槨之麗宮

館之盛不可勝原天下苦其役而反之驪山之作未成而周章百萬之師至其下矣是故德彌厚者葬彌薄知愈深者葬愈微無德寡知其葬愈厚丘壠彌高宮廟甚麗發掘必速秋七月詔曰朕執德不固謀不盡下夫過而不改是謂過矣其罷昌陵初鄼侯蕭何之子孫嗣爲侯者無幾而絕矣卯封蕭何六世孫陸狀元通鑑
二年工音薨以州刺史奏事訖欲言永對曰臣聞工言不考忠在上有危亡之事而危亡之言得上聞如使危亡之言輒上聞則商周不易姓而迭興三王不變改而更用夏商之將亡也行道之人皆知之晏然自以若天有日莫能危是故惡日廣而不自知大命傾而不自寤易曰危者有

其安者也亡者保其存者也陛下誠垂寬

之德無忌諱之誅使芻蕘之臣芻蕘命切芻音仇芻音芻

取芻薪之賤者得盡所聞於前羣臣之上願社稷之

長福也王者以民為基民以財為本財竭則

下畔下畔則上亡是以明王愛養基本不敢

窮極使民如承大祭今陛下輕奪民財不愛

民力公家無一年之蓄百姓無旬日之儲上

下俱匱無以相救願陛下追觀夏商周秦所

陸米无道鑑卷七前漢汲古閣

以失之以鏡考已行有不合者臣當伏妄言

之誅帝性寬好文辭而溺於燕樂皆皇太后

與諸舅夙夜所常憂至親難言故推永等使

因天變而切諫永自知內有應展意無所依

違每言事輒見答禮至上此對上大怒王商

密適永令發去適它歷切謂發動之上嘗宴飲

禁中時乘輿幄坐張屏風畫紂醉踞姐已音踞

據踞姐已當割切有作長夜之樂侍中班伯

疾新起上顧指畫而問伯曰紂為無道至

於是乎對曰書云乃用婦人之言何有踞肆

於朝所謂衆惡歸之不如是之甚者也上曰

苟不若此此圖何戒對曰沈湎於酒沈特林切湎彌切

遠切嗜微子所以告去也式號式譁火故切號譁亦

作大雅所以流連也詩書淫亂之戒其原皆

在於酒上乃喟然歎曰吾久不見班生今日

復聞讜言上音黨善言也翟方進為丞相孔光為御

陸狀元通鑑卷七前漢汲古閣

史大夫方進智能有餘兼通文法吏事以儒

雅緣飾法律號為通明相天子器重之又善

求人主微指奏事無不當意其為吏用法刻

深好任執立威有所忌惡峻文深詆中傷甚

多光領尚書典樞機十餘年守法度修故事

上有所問據經法以心所安而對不希指苟

合如或不從不敢強諫爭以是久而安時有

所言輒削草藁以為章主之過以奸忠直人

臣大罪也有所薦舉唯恐其人之聞知沐日
休兄弟妻子燕語終不及朝省政事或問
光溫室省中樹皆何木也光嘿不應更答以
他語其不泄如是出光本傳

三年初帝用匡衡議罷甘泉泰畤其日大風
壞甘泉竹宮折拔時中樹木十圍以上百餘
帝異之以問劉向對曰甘泉汾陰及雍五畤
始立皆有神祇感應然後營之非苟而已也

陸狀元通鑑

卷七

前漢

源古閣

易大傳曰誣神者殃及三世冬十月詔有司
復甘泉泰畤汾陰后土如故及雍五畤陳寶
祠長安及郡國祠著明者皆復之是時上無
繼嗣頗好鬼神方術之屬上書言祭祀方術
得待詔者甚衆祠祭費用頗多谷永說上曰
臣聞明於天地之性不可惑以神怪知萬物
之情不可罔以非類諸背仁義之正道不遵
五經之法言而盛稱奇怪鬼神廣崇祭祀之

方求報無福之祠及言世有僊人服食不終
之藥遙興輕舉黃冶變化之術者皆姦人惑
衆挾左道懷詐僞以欺罔世主聽其言洋洋
滿耳若將可遇求之盪盪如係風捕景盪音蕩空

贖之貌景如字或作影

終不可得是以明主拒而不聽

聖人絕而不語昔秦始皇使徐福發男女入
海求神採藥因逃不還天下怨恨漢興新垣
平齊人少翁公孫卿樂大皆以術窮詐得誅

陸狀元通鑑

卷七

前漢

源古閣

夷伏辜惟陛下距絕此類毋令姦人有以窺
朝旨上善其言 故南昌尉九江梅福上書
曰昔高祖納善若不及從諫若轉圜陳平起
於亡命而爲謀主韓信拔於行陳而建上將
故天下之士雲合歸漢爭進奇異知者竭其
策愚者盡其慮勇士極其節怯夫勉其死合
天下之智并天下之威是以舉秦如鴻毛取
楚若拾遺此高祖所以無敵於天下也士者

國之重器得士則重失士則輕詩云濟濟多

士文王以寧廟堂之事非草茅所言也故爵

祿束帛者天下之砥石

上音指尚書傳云砥細於礪皆磨石也

高祖所以厲世摩鈍也至秦則不然張誹謗

之罔以爲漢毆除

上與聖同

倒持太阿授楚其柄

故誠能勿失其柄天下雖有不順莫敢觸其

鋒今陛下既不納天下之言又加戮焉羣臣

皆承順上指莫敢執正何以明其然也取民

陸狀元通鑑

卷七十四前漢

汲古閣

所上書陛下之所善試下之廷尉廷尉必曰

非所宜言大不敬羣臣不敢爭天下以言爲

戒最國家之大患也方今君命犯而主威奪

外戚之權日以益隆陛下不見其形願察其

景執陵於君權隆於主然後防之亦無及已

上不納

四年司隸校尉何武爲京兆尹武爲吏守法

盡公進善退惡其所居無赫赫名去後常見

思本傳

元延元年夏四月丁酉無雲而雷有流星從

日下東南行四面燿燿

代笑切

如雨自晡及

昏而止秋七月有星孛於東井上以災變

博謀羣臣北地太守谷永對曰王者躬行道

德承順天地則五徵時序百姓壽考符瑞竝

降失道妄行逆天暴物則咎徵著郵

與尤同明著其

過尤妖孽竝見饑饉荐臻終不改寤惡洽變

陸狀元通鑑

卷七十五前漢

汲古閣

備不復譴告更命有德此天地之常經百王

之所同也建始元年以來二十載間羣災大

異交錯鋒起內則爲深宮後庭將有驕臣悍

妾醉酒狂悖卒起之敗北宮苑園街巷之中

臣妾之家幽閒之處微舒崔杼之亂外則爲

諸夏下土將有樊竝蘇令陳勝項梁奮臂之

禍安危之分界

分扶問切別也

宗廟之至憂臣永所

以破膽寒心豫言之累年中壘校尉劉向